

BOSNA I HERCEGOVINA  
FEDERACIJA BOSNE I HERCEGOVINE  
**AGENCIJA ZA NADZOR OSIGURANJA  
FEDERACIJE BOSNE I HERCEGOVINE**  
S A R A J E V O

Na osnovu člana 57. stav 11. i člana 130. Zakona o osiguranju („Službene novine Federacije BiH“, broj 23/17), i člana 12. Statuta Agencije za nadzor osiguranja Federacije Bosne i Hercegovine („Službene novine Federacije BiH“, broj 84/17), Stručni savjet Agencije za nadzor osiguranja Federacije Bosne i Hercegovine na 8. sjednici održanoj 24. 11. 2017. godine, donosi

**ODLUKA**  
**O DOKUMENTIMA O PRIJENOSU PORTFELJA OSIGURANJA**

**I OSNOVNE ODREDBE**

**Član 1.**  
**(Predmet)**

Ovom Odlukom uređuju se dokumenti koje je društvo za osiguranje koje je izvršilo prijenos portfelja na društvo za osiguranje - preuzimaoc dužno dostaviti kao dokaz o izvršenom prijenosu portfelja Agenciji za nadzor osiguranja Federacije Bosne i Hercegovine ( u daljem tekstu: Agencija za nadzor).

**II DOKUMENTI O PRIJENOSU PORTFELJA**

**Član 2.**  
**(Dokumentacija)**

- (1) Društvo za osiguranje koje je izvršilo prijenos portfelja osiguranja na društvo za osiguranje primaoca, dužno je Agenciji za nadzor dostaviti:
  - a) Ovjerenu izjavu da je izvršen prijenos portfelja u jednoj ili više vrsta osiguranja u skladu sa odobrenjem Agencije za nadzor,
  - b) Obavijest ugovarateljima osiguranja o izvršenom prijenosu portfelja, sa datumom završetka prijenosa, objavljenu u Službenim novinama Federacije Bosne i Hercegovine i Službenom listu Bosne i Hercegovine,
  - c) Ovjerenu kopiju Ugovora o prijenosu portfelja osiguranja sklopljenog između društva za osiguranje koje je izvršilo prijenos portfelja osiguranja i društva za osiguranje primaoca portfelja osiguranja,
  - d) Dokaz da je imovina za pokriće tehničkih rezervi predviđenih Ugovorom o prijenosu portfelja u cjelosti prenesena na društvo za osiguranje preuzimaoca portfelja.
- (2) Obavijest iz stava (1), tačka b) ovog člana društvo za osiguranje dužno je objaviti odnosno dati na objavu u roku od 15 dana od dana završetka prijenosa portfelja.
- (3) Društvo za osiguranje koje je izvršilo prijenos portfelja samo jedne ili više vrsta osiguranja, a koji ne uključuje sve vrste osiguranja, pored dokumenata iz stava (1) ovog člana dužno je

Agenciji za nadzor dostaviti novi poslovni plan za nastavak poslovanja društva za osiguranje i odgovarajuće akte obavezne politike.

Član 3.

(Ostala dokumentacija)

Agencija za nadzor uz dokumente iz člana 2. ove Odluke može zatražiti i druge dokumente, ukoliko ocijeni potrebnim, za utvrđivanje da je prijenos portfelja na društvo za osiguranje preuzimaoca izvršen.

III ZAVRŠNE ODREDBE

Član 4.

(Stupanje na snagu)

Ova Odluka stupa na snagu osmog dana od dana objave u „Službenim novinama Federacije Bosne i Hercegovine“.

PREDSJEDNIK  
STRUČNOG SAVJETA

mr.sci. Edita Kalajdžić

Broj: 021-3236-5/17  
Sarajevo, 24. 11. 2017. godine